

سنة لکي در سعادت ايجون مجديه
يکرمي غروش حسابيله التمش
غروشدر

طشره ايجون بوسته اجرتي اوله رق
اون بش غروش ضم اولنور

نسخه سي ۴۰ پاره در

تَبْلِيغَات

آبونه اولمق ايستينلر دائره عدليه ده
اداره مخصوصه سنه مراجعت
ايتلدير

اعلانك بهرندن بر مجديه اخذ
ايديلور

نسخه سي ۴۰ پاره در

هفته ده ايکي دفعه جمعه ايرتسي و چهارشنبه کونلري نشر اولنور. محتوياتي امور عدليه به متعلقدر

تَبْلِيغَات

عدليه نظارت مبلد سنده بالعموم عدليه مفتشدر
حاکم استينافيه مدعي عموميلرينه نظير قلناه تحريات
عموميه صوريندر:

متقاعدين و مأمورين عالیه لرينه تقاعد صندوقدن
معاش تخصیصی حقنده قرار اعطاسی منحصرأ شورای
دولته عائد اولدینی وطشره مجالس اداره سنجه پایله حق
مضبطلر ايسه تقاعدینی استندا ایدن مأمورينک
مدت خدمتی و وفات ايدنلر ارامل و ايتامک کيملردن
عبارت اولدینقی تصدیقه منحصر اولدیندن بونلرک
شورای دولدن تخصیص معاش قرارینی حاوی تنظیم
قلنه حق مضبطلره مقیس اوله میه جفی کبی ذاتاً مستثنا
اولنلردن ماعدا یعنی بش یوز غروشدن فضله تخصیص
قلنه حق متقاعدين و ارامل و ایتام معاشلری حقنده کی
شورای دولت مضبطلری مبلغ معینی حاوی اولملری
اعتباریله رسم نسبی به تابع بولنه جفی جهتله برده مجالس
اداره محلیه مضبطلرینه تمفا بولی الصاقی مکرر اوله
جفتدن بو خصوصک دها واضح صورتده تعیین
وتیبینی ايجون لازم کلان تعديلات وتصحيحات اجرا
ايدلک اوزره متقاعدين و مأموريندن وفات ايدنلرک
ارامل و ایتامه معاش تخصیصی ضمننده شورای دولت
مضبطلرلندن ماعدا تنظیم ايدبلان مضبطلرک تمفا
رسمنه تابع طوتلامسی تمفا قومیسون مخصوصک
اولباده کی مضبطله سی اوزرینه بانذ کره سامیه امر
واشعار بیورلش اولدینی مالیه نظارت جلیله سندن
بانذ کره ازار قلنمش اولمقله لازم کلنلره تبلیغ کیفیت
اولمقی اوزره اشبو تحریرانک نسخ مطبوعه کافیه سی
لقاً ارسال اولندی.

مُحَاكَمَاتُ مَقَرِّاتٍ

سنجه وقصریه سنجاقلری بدایت محکمه سی
مدعی عمومی معاون سابقلری صادق وشوکت

افندیلرک اوراق انفصالیه ومدافعه نامه لری انجمن
انتخاب مأمورین عدلیه جه لدی التدقیق جواز
استخداملرینه قرار ویرلشدر.

بشه قریه لی نصوحی قتل ایلدیکی ادعا اولنمسندن
دولایی جنایتله اتهام اولنان راشدک اون بش سنه
مدتله کورکه قونلسنه دائر منتشا سنجاغی بدایت
محکمه سی جزا دائره سندن ویریلان ۳۴۸ نومرولی
اعلام

عثمانی قتل ایلدیکی ادعا اولنمسندن دولایی جنایتله
اتهام اولنان احمدک اون بش سنه مدتله کورکه
قونلسنه دائر قسطمونی ولایتی استیناف محکمه سی
جزا دائره سندن ویریلان ۱۹۶ نومرولی اعلام

فروغزه قریه لی محمد افندی ایله امینه خانمک
حنطه بیقینلرینی قصداً احراق ایلدیکی ادعا اولنمسندن
دولایی جنایتله اتهام اولنان محمدک اوج سنه مدتله
کورکه قونلسنه ودرتیوزیکرمی غروشک کندوسندن
بالتحصیل مدعیلره اعطاسنه دائر تکه سنجاغی بدایت
محکمه سی جزا دائره سندن ویریلان ۱۲۹ نومرولی
اعلام

باسکل قریه لی عمری قتل ایلدیکی ادعا اولنمسندن
دولایی جنایتله اتهام اولنان بکرک اون بش سنه
مدتله کورکه قونلسنه دائر معموره العزیز ولایتی
استیناف محکمه سی جزا دائره سندن ویریلان ۲۹
نومرولی اعلام

جام قریه لی حاجی ابراهیم اغای قتل ایلدیکی
ادعا اولنمسندن دولایی جنایتله اتهام اولنان بکرک
اون بش سنه مدتله کورکه قونلسنه دائر بوردور
سنجاغی بدایت محکمه سی جزا دائره سندن ویریلان
۳ نومرولی اعلام

نوره قوب قضا سنه تابع برزنجیه قریه سندن
فاطمه بنت شعبانک قتل اولنمسندن دولایی جنایتله
اتهام اولنان زوجی محمد بن سلیمانک بش سنه مدتله
کورکه قونلسنه دائر سیروز سنجاغی بدایت محکمه سی
جزا دائره سندن ویریلان ۴۵۳ نومرولی اعلام

همر قریه لی محمدی طبانجه قورشونیه قتل
ایلدکری ادعا اولنمسندن دولایی جنایتله اتهام اولنان
مصطفانک اون بش و یعقوب ویوسف و محمدک اوجر
سنه مدتله کورکه قونلرینه دائر سینوب سنجاغی
بدایت محکمه سی جزا دائره سندن ویریلان ۷۶
نومرولی اعلام

دکزلی اها لیسندن مصطفی ورفقاسنک انشای
راهدده اوکلرینه چیقهرق معامله جبرو شدت اجرا سیله
تقود و اشیارلینی غصب ایللرندن دولایی جنایتله اتهام
اولنان قره مصطفی وعلی و محمد و اسماعیلک بشر
واحمدک اوج سنه مدتله کورکه قونلرینه دائر دکزلی
سنجاغی بدایت محکمه سی جزا دائره سندن ویریلان
۴۷ نومرولی اعلام

چینه قضاسی حبس خانه سنده موقوف بولنان
اشخاصک فرارلرینی تسهیل ايجون برطاقم آلات
ویرمسندن دولایی جنایتله اتهام اولنان چوبان عیسی
قریه سندن شیخ علی اوغلی مصطفانک اوج سنه مدتله
کورکه قونلسنه دائر آیدین سنجاغی بدایت محکمه سی
جزا دائره سندن ویریلان ۵۰ نومرولی اعلام

چورلیک عمارت چارشوسنده قره بتک دکانی
دیواری دلهرک اشیا سی سرقت ایلنمسندن دولایی
جنایتله اتهام اولنان استفانی اوغلی استاورینک اوج
سنه مدتله کورکه قونلسنه دائر تکفور طاغی سنجاغی
بدایت محکمه سی جزا دائره سندن ویریلان ۲۱۲
نومرولی اعلام محکمه تمیز جزا دائره سنجه تصدیق
اولنشددر.

۳۶۴ نومرولی نسخه ده مندرج در سعادت

جنایت محکمه سی اعلانک بقیه سی:

مهم حسنی طرفندن مدت قاونیه سی طرفنده
اعطا قلوب بر صورتی مدعی عمومی لکه تبلیغ اولنان
هر نخالده اسملری محرر اولان ودعوت واقعیه
مبنی ورود ایدن شاهد لر دخی برربر حضور محکمه به
چیقاریلوب لدی السئوال طرفینه قرابت و خصومت

ومناسبتی الی الودیفی سولاریه علی الاصول تحلیفاری بعدالاجرا منفرداً ومواجهه استماع اولندقلرنده بونلردن چفته خانلرده مقیم اوتوز یاشنده ایرانی سورجی قبی حسین بن علی وقعه اخشامی ساعت اون ایکی راده لرنده خان دروننده کی قهوه خانه ده بولندینی صرده ایشدینی صدا اوزرینه طیشارویه چقدیفنده متهملردن ایرانی احمدک باشی اچیق اولدینی حالد اخوردن وصول طرفده کی نردباندن چقبوب اوطنه سیه کیردیکنی مشاهده ایلدیکنی بیان ولدی الاستیضاح احمدک انده فس و بیاق اولدینی واوراده احمدن ماعدا کیمسه دخی بولندینی وصرکه سیواسی احمدک اخورده اولدینی ایشیدلمکه ورود ایدن مامورلر ایله اخوره کیدوب مقتولی کوردیکنی واورصده متهم حسنی دخی مرکز کیدوب کیفیتی مأمورینه اخبار ایشدیکنی اهالیدن ایشدیکنی افاده ایلکه خارجه چقارلدی .

مذکور خاندن مقیم قهوه چی یکریمی یاشنده قبی سلیمان بن احمد دخی وقعه اخشامی کندوسیه سورجی حسین وصادق ومتهم حسنی خان دروننده کی قهوه خانه ده بولندقلری صرده برکورانی اولسنی معقب کندوسیه مرقوم حسین برلکه قهوه خانه مک ایچروده کی قیوسندن باقدقلرنده ایرانی متهم احمدک باشی اچیق اولدینی حالد قهوه مک یاشنده یعنی صول طرفده کی نردباندن چقبوب اوطنه سیه کیردیکنی والنده فس و بیاق کورمدیکنی وحسنی اوصرده سکر حال اولوب کورانی معقب قره غولخانه خبروربره جکندن بوشله چقبوب کیتدیکنی وکندولری طیشارویه چقدقلری و مرقوم ایرانی احمدک باشی صاچلی اولدینی تذکار ایلدی .

ایرانی حسین تکرار حضور محکمه چقاریلررق صورلدقه کورانی اوزرینه اوکده کندوسی وارقسندن سلیمان قهوه خانه مک قیوسی اوکده چقدقلری ومتهم حسنی اوصرده اورالده قطعاً کورمدیکنی وحسین قره غولخانه کیتدیکنی اهالیدن ایشدیکنی اتیان ایلدی .

مرقومان حسین وسلیمان عندالمواجهه افاده لرنده اصرار ایلدیلر .

اشبو شاهدلرک دخی ذات وشهادتلیرینه قارشو نهیه جکلری متهملردن صورلدقه بونلردن حسنی دیه جکی بولندینی واحد دخی شاهد حسین متهم حسنینک انشتمی ایدوکسندن دیکریده اوبدرمه شاهد اولدیفندن شهادتلیرنی قبول ایتیه جکنی بیان وحسین دخی مرقومک انشتمی اولدینی اتیان ایلدیلر .

توسیع تحقیقات حقنده طرفینک بشقه مطالبی

اولدینی لدی السئوال سولاریه تحقیقاتک بوندن عبارت ایدوک بیان اولندقه معاون مومی الیه متهملردن حسنینک سیواسی احمدی متعمداً جرح و قتل ایلدیکنی اخبارات وطیب راپوری مندرجات و کندوسینک سبق ایدن اقراری ایله ثابت اولدیفندن اول وجهله مجرمیتیه ودیکر متهم احمدک فعل مذکورده مرقومه مشارک اولدینی کلاشیه مدیفندن انکده برانته قرار اعطاسنی طلب وادعا ایلدی .

مدافعه وکیللردن ارتین زیلجیان افندی مدافعه سنی درعهده ایشدیکنی متهم حسنینک مذکور قتل فعلی ایقاع ایشدیکنی عیناً مشاهده ایدن اولد یغنی وایحی حسین دردستده احمدک سبق ایدن تشویقی اوزرینه کندوسیه اسناد جرم ایتیش ایهده فاعل اولدینی اخیراً بیان ایلدیکنی وعقبوانده اقرار مجرد معتبر اوله میجفی ومدافعه شاهدلرک بیان ایشدیکنی وجهله عقیب وقعهده متهم احمدک اخوردن چقمسی قاتل اولدیفنه قرینه قاطعه اولوب حسنینک معصومیتیه دلالت ایشدیکنی بیان ودیکر وکیل یاقوقیا افندی دخی موکلی احمدک انشای وقعهده کندی اوطنه سیه بولندینی اخباراله ثابت اولوب حسنینک اخوردن چقارکن شاهدلردن عیسی طرفندن کورلسی وعقیب وقعهده موافق حقیقت اوله رق بیاض صابلی بیاق ایله احمدی جرح ایشدیکنی بیان اتیمی فاعل اولدیفنه شبهه براندینی اتیان وارتن افندی تکرار کلامه ایشدارله موکلی بیجاقی مقدما احمدده کوردیکندن بیلدیکنی درمیان ایله هر برلری موکلرینک برانترینه قرار ویرلسنی استدعا ومتهملرده بشقه دیه جکلری اولدینی انیا ایلرله محاکمه مک ختام بولدینی تفهیم اوله رق هیئت مذاکره اوطنه سیه چکلدی .

بروجه مبسوط طرفینک ادعا ومدافعاتی استماع وبالجمله اوراق تحقیقیه تدقیق اوله رق مندرجاتنه کتب اطلاع اولندقه نصرکه ایجاب کیفیت لدی المذاکره متهملردن حسنینک احمدی قتل ایتدیکنی یاد و وکیل ارتین زیلجیان افندی دخی برطاق مدافعات سردیه موکلنک برانته قرار اعطاسنی اراد ایلرینه قارشو عقیب وقعهده مرقوم حسنی سکر حال اوله رق تلاش ایله چارشودن مرور ایدر ایکن دردت اولوب صورلدقه سبق ایدن منازعه دن طولانی سیواسی احمدی بیاض صابلی بیاق ایله اخورده کندوسی جرح و قتل ایلدیکنی بیان واشبو افاده سی ضبط اوله جفی وقت احمدک کندوسی باره وعبدیه تشویق ایشدیکندن فعل مذکور کی کندوسیه اسناد ایتیمکه ایهده فاعل اولدیفندن بوشله تحویل لسان ایلدیکنی ومذکور اخوره کیدلکه بیاض صابلی بیاق احمدک کوبکی اوزرینه صابلی اوله رق مقتول اولدیفنسک

کوردلیکی شاهدلردن قومیسر عاصم وحسن وشوکت افندیلر ووقه اخشامی متهم حسنی اخوردن چقبوب سرسام برحالدله اوله رق دیواره طاندینی وقهوه خانه به عودت ایدوب بش دقیقه نصرکه وقوعولان کورانی اوزره اخوره کیتدیکنده سیواسی احمدک بیاض صابلی بیاق کوبکی اوزرینه برده مجروح اولدینی کوردیکی وحسنی اوصرده تحری اوله رق بولنه مدینی عیسی وقعهده برکون مقدم مقتول احمد کوله رک قهوه خانه به بالورود حسنینک مرکبه بیلم نه ایشدیکنی سولبدیکی ومقبلاً ورود ایدن حسنی ایشیدلرک احمد خطاباً کفر ایتیمکه برابر (یارین اخشامده بولاقردی سوله) دیدیکنی حاجی مصطفی طرفلردن حضور محکمه ده مع القسم وعلی الدرجات اخبار اولنسنه ومقتول احمدک اخورده بیاض صابلی بیجاق معدمی اوزرنده صایلامش اولدینی حالد کوریلرک مذکور بیجاقک انشای سیرنده حاصل اولان جرحدن متأثراً آزماینده وفات ایشدیکنی طیب راپوری ناطق ومدافعاته نقل کلام ایلدیکنه متهم حسنینک واقع اولان اقراری اقوال مجرده دن اولوب مقتلن چقدیفنسک وعقیب وقعهده واقع اولان افاده سیه موافق اوله رق مقتول احمدک معدمی اوزرنده بیاض صابلی بیاق صایلامش اولدیفنسک کورلسیه ومقدما احمد ایله منازعه ایدوب یارین اخشامده بولاقردی سوله دیدیکنک جمله شهادندن بولنسنیه اقرار مذکورک نفس الامر موافق اولدینی متحقق اولسنه ومدافعه شاهدلردن حسین وقعه اخشامی ایشدیکنی کورانی اوزرینه چقبوب متهملردن ایرانی احمدک باشی اچیق والری تمی اوله رق اخوردن وصول طرفده کی نردباندن اوطنه سیه چقدیفنی کوردیکنی وحسینک اوصرده موجود اولدینی واورالده بشقه کیمسه بولندینی بیان ایشدیکنی حالد دیگر شاهد سلیمان مرقوم حسنینک اووقت قهوه خانه ده بولندینی اتیان وحقوق عمومی شاهدلردن علی دخی وقت مذکورده ایرانی احمد باشی اچیق اولدینی وقطفسی انده بولندینی حالد اخوردن وصاغ طرفده کی نردباندن چقبوب اوطنه سیه کیردیکنی درمیان ایلرینه نظراً بونلرک افاداتی یکدیکرینه منافی ودیکر حقوق عمومی شاهدلرینک دخی اخباراتک خلاقی اوله رق تأمین وجدانه غیرکافی کورنسنه منی متهملردن حسنینک بیک اوچیوز یکریمی سنه سی تشرین اولک اون التنجی جمعیارتنی کونی اخشامی ساعت اون ایکی راده لرنده اسکدارده بکی چشمه ده کائن چفته خانلرده اخور دروننده سیواسی احمدی جرح و قتل ایلدیکنی ثابت اولوب ایحی مقتل اولان اخوره دخولنسنه

تحدث ایتیمی ملحوظ اولان منازعه مک جرحی تولید ایش اوله جنی جهتله مذکور قتل فعلنک متعمداً وقعه کتورلدیکی کلاشیه مدیفندن مرقومک من غیر تعمد قاتل اولنق اوزره مجرمیتیه جرمک نبوتنده اتفاق وتوغنده اکثریت ثلثان آرا ایله ودیکر متهم احمدک مذکور قتل فعلنده دخلی بولندینی وحسنیه مشارک اولدینی تعین ایده مدیکندن انکده برانته وجاهاً ومتفقاً قرار ویریلرک محاکمه اوطنه سیه عودتله اشبو قرار علناً قرائت وتفهیم اولنهرق واحد دخی متهم موقندن چقارلدقندن صکره معاون مومی الیه مجرم حسنینک قانون جزانک یوز تیش دردنجی ماده سنک فقره اولاسنه توفیقاً تحدید جزاسنی ادعا وکیل ارتین زیلجیان افندی موکلی هنوز اون بش یاشنی اکال ایتدیکنک تخفف جزاسنی استدعا وجرم دخی بشقه دیه جکی اولدینی انیا ایلرله بویاده کی محاکمه ک اختتامی دخی بالافهام تکرار مذاکره اوطنه سیه کیدلدی .

جهت جزایه حقسنده دخی مذاکره کیفیت ایلدیکنه مجرم حسنینک مرتکب اولدینی فعل، جزا قانوننامه هایونک یوز تیش دردنجی ماده سنک فقره اولاسنه موافق وفقره مذکور : « برکیمسه من غیر تعمد برشخصی اتلاف ایتیش ایهه اون بش سنه مدته کورکه وضع اولنوره » عبارته سنی ناطق اولدیفندن بوماده حکمه توفیقاً وایشدای توفیقی اولان اوچیوز یکریمی ایکی سنه شیبانک بکرمنجی کونندن اعتباراً اون بش سنه مدته کورکه قولنسی لازم کلور ایهده مرقومک تذکره عنایه سنده اوچیوز سکر سنه سی جرمک برنجی کونه مصادق اوچیوز اتی سنه سی اغتوسنسک بشنجی کونی تولد ایشدیکنی محرر اولسنه کوره زمان وقعهده هنوز اون بش یاشنی اکال ایتدیکنی و نابالغ مراهق بولندینی کلاشلدیفندن قانون من بوزک قرقجی ماده سنک : « اما اول مجرم نابالغ مراهق بولندینی یعنی فعل وعملنک نتیجه سی برجرم اوله جفی فرق وتمیز ایدرک متعمداً اول جرمی ایشلمش اولدینی صورنده اگر جرمی اعدام یا مؤبد کورک ویا قلمه بندلک یانی ابد جزالری مستلزم اولان جنایات قیلندن ایهه اصلاح نفس ایچون بش سنه دن اون سنه قدر حبس واکرموقت کورک یا موقت قلمه بندلک یانی موقت جزالری موجب اولان جرائمندن ایهه کذلک اصلاح نفس ایچون جرمک مستلزم اولدینی جزا مدتک ربعدن نهایت ثانی مقداری مدته دک حبس اولنوره » دیو محرر اولان فقره سیه تطبیقاً اون بش سنه مک ثانی اولان بش سنه مدته حبس ایدلسنه ومصارف محاکمه اولان جمعا بوزقرق غروشک دخی کندوسندن باتحصیل

عدلیه وزنه سنه تسلیم ایتدیرلسنه اوچیوز یکریمی ایکی سنه سی ذی الحجه سنک یکریمی بشنجی اوچیوز یکریمی سنه سی شباطنک اون یدنجی کونی کذلک وجاهاً ومتفقاً قرار ویریلرک اصول تفهیمی ایفا قلندی .

لیفورک صراف نسیم افندی به اطاله لسان ایلدیکنی ثابت اوله مدیفندن برانته طلومیه چی صاده مک سلاح طاشدینی ثابت اوله مدیفندن برانته استراتی نک خرملوبنی ضرب ایلدیکنی ثابت اوله مدیفندن برانته فرانسوایه حقارت ایلدیکنی ثابت اوله میان آغوبک برانته

یوردانک خرملوبونک بینرینی سرقت ایلدیکنی ثابت اوله مدیفندن برانته ابوستولک دقتسزلکله مصطفانک مجروحیتیه سبیت وبردیکی کلاشیه مدیفندن برانته

حسن حسنینک باره سنی سرقت ایلدیکنی ادعا قلنسان حکمت ایله لفتک فعل مذکورده جرأتلری ثابت اوله مدیفندن برانتریه

باعثه خانی ضرب ایدن بلدی مفتشی خلیل افندی اوج لیرا آلهرق مضروبیه اعطاسنه

حلمینک شاکری ضرب وجرح ایشدیکنی ثابت اولدیفندن برهفته حبسنه نجانی بکک المانیای دولتی تبعه سندن موسیو کوستاوا کرینی ضرب ایشدیکنی ثابت اولدیفندن ایکی التون آلهرق مضروبیه ویرلسنه

عطار پواص ایله احسان بکک یکدیکرینی ضرب ایشدیکنی ثابت اولدیفندن پواصک اون کون حبسنه واحسان بکدن ایکی لیرا آلوب مضروب پواصه اعطاسنه

رفیه وکریمه سی زهرا خانلرک احمد افندی نی ضرب ایشدیکنی ثابت اولدیفندن رفیه خانلک بر هفته حبسنه وزهرا خانلردن بر لیرا آلنوب احمد افندی به ویرلسنه

بدروس ایله قره بک یکدیکرینی ضرب ایشدیکنی ثابت اولدیفندن بر هفته حبسنیه

استراتینک اشپاسنی سرقت ایدن قوچونک اوج آی حبسنه وختام مدت جزایه سنده کفالتیه ربطنه استطاعتی ضرب ایدن خره لامبودن برلیرا آلهرق مضروبیه اعطاسنه

طومه رئیسک آتجی آرونی ضرب ایلدیکنی ثابت اولدیفندن ایکی لیرا آلهرق مضروبیه اعطاسنه

اوسته سی مصطفانک اچسنی سرقت ایدن حاجی صنی نک آلی آی حبسنه ومسروق اچنک صاحبه اعاده سنه

قاسم پاشاده قهوه چی عزمنینک فکریه خانه اطاله لسان ایلدیکنی ثابت اولدیفندن بش کون حبسنه حاجی علینک فندقلیده ساکن عزیز افندی نک اشپاسنی سرقت ایلدیکنی ثابت اولدیفندن بش آی حبسنه وختام مدت جزایه سنده ضابطه جه کفالتیه ربطه

بدنده یحق توتون دردت ایدیلان بقال کوبلو رنجیر قوچودن سکسان غروش جزای نقدی اخذینه والده سی منیره خانی ضرب ایدن قاسم پاشاده ساکنه زادهه خانلک یکریمی کون حبسنه

مخله آره سنده سلاح افندی ثابت اولان پناپونک یکریمی درت ساعت حبسیله کندیسندن بش بشلک جزای نقدی النسنه

استیلمی امینک جال افندی نی ضرب ایلدیکنی اصولاً ثابت اولدیفندن اون بش کون حبسنه

والده سی ذکیه خانی ضرب وجرح ایلدیکنی ثابت اولان رسومات محافظه مأمورلردن اسماعیل افندی نک اون بش کون حبسنه

حسینک مجبونی جرح ایلدیکنی ثابت اولدیفندن اون کون حبسنه

یورکی به تنهیر سلاح ایدن محمدک اون بش کون حبسنه

سیدینک داودی ضرب وجرح ایلدیکنی ثابت اولدیفندن بر آی حبسنه

خرستونک راسقویه اطاله لسان ایلدیکنی ثابت اولدیفندن برلیرا جزای نقدی آلنسنه

عمرک یاسنی ضرب ایلدیکنی ثابت اولدیفندن برلیرا آلهرق مضروبیه اعطاسنه

یورکی نک نیقولنک ساعتی وقیضی نکه باره کیسه سنی سرقت ایلدیکنی ثابت اولسنه وکندیسنک سابقه مکرره اصحابندن بولنسنه بنا بر سنه حبسنه درسعادت ، بک اوغلی واسکدار بدایت محکملری جزا دائره لنجه قرار ویرلشدر .

اعلانات

درسعادت منابت فکرمنده :

تلاک شاهانه به دخولی بمنوع اولان مضر غزته لری جلب ونشر ایلدیکنی اداسیه غیاباً اتهام اولوب بک اوغلنده یازیمچی زاقاغنده طقوز نومرولی خانه ده اقامت ایتیمکه ایکن فرادایدن ابنه مهندس لریدن فرق ایکی یاشلرنده ایدوک و یونانی اولدینی کوستریلان الیازی سیموبلو ولد قسطنطنی الده ایدله مامش اولدیفندن محکمه کلمی ایچون جانب ریاستدن

مرقومه تاریخدن اعتباراً مجدداً اون کون مهل
اعطا قلنمشدر مهل معین ظرفنده کلیدیکی حالده
قانونه اطاعت ایتماش نظریله باقیله رق حقوق
مدینه دن اسقاط قلنه جنی وعلیننده دعوایه قیام اولنه جنی
وبوصره ده برکونه ادعایه حتی اوله میه جنی و اموالک
حجز آلتنه اله جنی و بالجمله ضابطه عدلیه مأمور لرینک
کندوسنی طومغه مجبور بولند قلمری امری اعطا
ومعاملات حمزیه حقه ده دخی مدعی عمومیدکه
تبلیغات مقتضیه اجرا ایدلیدیکی جهته اصول محاکمات
جزایه قانوننک اوچوز یتیش برنجی و اوچوز یتیش
ایکنجی ماده لرندن استنباط اولنان احکامه توفیقاً
تنظیم اولنان اشبو قرارنامه اعلان اولنور .

نجات بحیرہ فکرمندہ :

استانبولده بالق بازارنده نافعہ خانندہ ۲۳ نومرولی
اوطہدہ مقیم حطب تبحارندن محمد امین افندینک
۱۳ نیسان سنہ ۳۲۱ تاریخندن اعتباراً اعلان افلاسنہ
ومصالح افلاسیہنک رؤیت وتسویہ سی ضمانتہ اعضای
محکمہ دن سعادتلو ابراہیم بکک ژوژ قومیسر ودعوی
وکیللرندن داود در موسسیان افندینک موقت سندیک
تعیینلرینہ ومغازه سیلہ اشیا ی زانڈ بیتہ سنک تمہیرینہ
واوراق ودفاترینک جلبنہ وکفالت ارانہ ایدہ مدیک
تقدیردہ حبس وتوقیفنہ وبوبادہ کی قرارک موقہ
اجراسنہ تجارت بحریہ محکمہ سندن قرار ویرلش اولدیغندن
قانوننامہ تجارتک ۱۷۰ نجی مادہ سی موجبہ دائمی
سندیکلر انتخاب اولنقی اوزرہ نیسانک یکرمی سکنزنجی
پنجشنبہ کونی ساعت الی رادلرندہ اصحاب مطلوبک
محکمہ مذکورہنک مصالح افلاسیہ رؤیتہ مخصوص
اوطہ سنہ کلیری اعلان اولنور .

مارپوشجیایردده بارباطان خانك قارشوسنده
ساكن ايكن تجارت بحريه محكمه سندن افلاسنه
حكم اولمش اولان مقاره تاجرى پ. مسروپويچ
وقومپانيه سنك خصوصات افلاسيه نك رؤيت
واتسويه سى ضمانتده دعوى وكيلارندن داود درموسيان
وعثمان طلعت افنديلر اصاله سندنك تعيين قلمش
اولدقلرندن مقاس مرقوم ضمانتده اله جنى اولانلرك
قانوننامه تجارتك ۱۹۹ و ۲۰۰ نجى ماده لرى موجبجه
تحقيق ديون ايچون تاريخ اعلاندن اعتباراً يكرمى بر
كون ظرفنده سندناتى محكمه كاتبنه تسليم ايللرى
ومدت مذ كوره ختامندن صكره اوج كونده يعنى
۳۲۱ سنه سى مايسنك طقوزنجى بازار ايرتسى اوننجى
صالى واون برنجى چهارشنبه كوئلرى تجارت بحريه
محكمه سنك مصالح افلاسيه رؤيتنه مخصوص اوطينه

كلهرك سنيك اقليدلىر مواجهه سنده اله جقلىرى اثبات
وقيد وتصديق ايتديرملرى ومدت مذ كورده اثبات
وجود ايده ميان اله جقولر حقنده قانون مذ كورك
۲۱۰ نخبى ماده سسنة توفيقاً معامله اولنه جنى اعلان
اولنور .

ایک نئی تجارت ملکہ مندہ :

چارشوی کبیړه بات بازارانده و مرجانده چقور
خانده مقیم حاضر البسه چی واسیل وانکل ظریف
اوغلی شرکتک ۱۶ نیسان سنه ۳۲۱ تاریخندن
اعتباراً اعلان افلاسنه و مصالح افلاسیه نک رؤیت
وتسویه سی ضمنده اعضای محکمه دن سعادتلو رضا
بکک ژورقومیسر ودعوی وکیللرندن مارقو ناحوم
افندیکن موقت سندیک تعینلرینه و مغازه لرله
اشیای زائده بیتیه لرینک تمهیرینه و اوراق و دفاترینک
جلبنه و کندولرینک کفالت معتبریه ربطنه و بوباده کی
قرارک موقه اجراسنه ایکنچی تجارت محکمه سندن
قرار ویرلمش اولدیغندن قانوننامه تجارتک ۱۷۰ نجی
ماده سی موجبجه دائمی سندیکلر انتخاب اولنمق
اوزره ۳۲۱ سنه سی مایسنک ایکنچی بازار ایرتسی
کونی ساعت یدی راده لرنده اصحاب مطلوبک محکمه
مذکورده نک مصالح افلاسیه رؤیتنه مخصوص او طه سنه
کملری اعلان اولنور .

آنفره تجارت محکمہ مندرہ :

انقره نك بدستان چارشوسنده مقیم اولوب ۲۴
مارت سنه ۳۲۱ تاریخده انقره ولایتی مرکز تجارت
محکمه سندن افلاسیرینه حکم اولمش اولان ارسلان
کل اغوب اوغللری کفورق و کرقورق خصوصات
افلاسیرینک رؤیت و تسویه سی ضمنده دعوی
وکیللرندن ساحیان قره بت و طوق اوغلی اوننیک
افندیلر اصالة سندیک تعیین قلنمش اولدقلرینه بناء
مفلس مرقومان ذمترلرنده اله جنی اولانلرک قانوننامه
تجارتک ۱۹۹ و ۲۰۰ نجی ماده لری موجبجه تحقیق
دیون ایچون تاریخ اعلاندن اعتباراً یکرمی برکون
ظرفنده سنداتی محکمه کاتبه تسلیم ایللری ومدت
مذکوره ختامنده ولی ایدن مایسک بشنجی والتنجی
وبدننجی کونلری انقره ولایتی مرکز تجارت محکمه سنک
قلم اوطنه سنه کلهرک سندیکلر مواجهه سنده اله جقلری
اثبات و قید و تصدیق ایستیرملری ومدت مذکوره ده
اثبات وجود ایده میان اله جقلولر حقننده قانون
مذکورک ۲۱۰ نجی ماده سنه توفیقاً ایفای معامله
اولنه جنی اعلان اولنور.

اعلامات نظامیہ اجرا دائرہ سندھ :
احمد جلال افدینک فاطمہ ملک خانم ذمتمندہ
الاجنی اولان مبالغہ مقابل محکمہ قراریلہ محجوز
بولان مقری قریہ سندھ یکی محلہ ده تخمیناً یوز الی
ارشون عرصہ اوزرینہ مبنی درت قاتدن عبارت
اون براوطہ وبرمطبخ وتخمیناً یکرمی ارشون باغچه
وبرطلومبہ لی قیوی حاوی التمش ایکی نومرولوبرباب
خانہ تمامنک تاریخ اعلاندن اعتباراً اون بش کون
صکرہ بالمزایدہ فروخته تشبث اولنہ جنی درسعادت
اعلامات نظامیہ اجرا دائرہ سندھ اعلان اولنور .

عودی سلیم افندینک معلم یوردان افندی ذمتده
اله جنی اولان مبالغه مقابل مرهون و فروختی محکوم
بولان فنارده توقیعی جعفر محله سنده زامبا زاقانده
واقع یوز قرق آرشون عرصه اوزرینه منی یدی
اوطه اوچ صفه و بشقه جه زمین قاتنده بر مطبخ بر قیو
و بر اوطه بی حاوی کار کیر اوچ قاتندن عبارت اولوب حد
انتقالی توسیع قلنمش اولان طقوز نومرولی برباب خانه نک
ثلثان حصه سنک تاریخ اعلانندن اعتباراً اون بش کون
صکره بالمزایده فروخته تشبث اولنه جنی در سعادت
اعلامات نظامیه اجرا دائره سندن اعلان اولتور .

محمد صالح افنديك با اعلام نظامی حاجی حسنی
افندی ذمتده محكوم به الهجفی اولان مبالغك تأمین
استیفا سیچون داین عهدہ سنده مرهون و فروختی محكوم
بولان قضا رجیلرده صاری تیمور محله سنده قبله
چشمه سی جاده سنده حاجی حسین خانی دیمکله معروف
یکرمی ایکی نومرولی خان و مشتملاتی مجموعی تخمیناً
بیك اوچوز سکسان آرشون عرصه اوزرینه مبنی
یکرمی ایکی ویکرمی درت نومرولی عرصه الیوم
مسکن بولان الی اوچ و مکرر الی اوچ و مکرر الی
اوچ و مکرر الی اوچ نومرولرله مرقم درت باب
و مکرر یکرمی ایکی به مقلوب الی اوچ نومرولو مع
اوطه بر باب دکان و سالف الذکر خان و مشتملاتك
نصف حصه لری التمش برکون اجرا قلنان مزایده
نتیجه سنده عثمانلی لیراسی یوز غروش حسابیله التمش
بیك غروشده مشتریسی عهدہ سنده تقرر ایدرك
موقع قرار داده سی کشیده قلنمش اولدیقندن یوزده
بش ضم ایله زیاده یه طالب اولنلرك تاریخ اعلاندن
اعتباراً اوتوز برکون ظرفنده درسمعات اعلامات
نظامیه اجرا دائره سته مراجعت الیلری اعلان اولنوره